

叢書集成三編 第八〇冊目錄

史地類



中國地理——宋金

- 遼史各外國地理攷證一卷……………清 丁 謙撰……………浙江圖書館 〇八〇〇〇一
 金史外國傳地理攷證一卷……………清 丁 謙撰……………浙江圖書館 〇八〇〇〇一

中國地理——元

- 元秘史地理攷證十五卷後附錄……………清 丁 謙撰……………浙江圖書館 〇八〇〇二一
 元史外夷傳地理攷證一卷……………清 丁 謙撰……………浙江圖書館 〇八〇〇二一
 元聖武親征錄地理攷證一卷……………清 丁 謙撰……………浙江圖書館 〇八〇〇三一
 元經世大典圖地理攷證三卷……………清 丁 謙撰……………浙江圖書館 〇八〇〇六一
 張耀卿紀行地理攷證一卷(一名：元張參議紀行地理攷證)……………清 丁 謙撰……………浙江圖書館 〇八〇〇一八七
 西遊錄地理攷證一卷(一名：元耶律楚材西遊錄地理攷證)……………清 丁 謙撰……………浙江圖書館 〇八〇〇一九七
 長春真人西遊記地理攷證一卷(一名：元長春真人西遊記地理考證)……………清 丁 謙撰……………浙江圖書館 〇八〇〇二〇五
 西使記地理攷證一卷(一名：元劉郁西使記地理攷證)……………清 丁 謙撰……………浙江圖書館 〇八〇〇二一九

中國地理——明

- 明史各外國傳地理攷證一卷……………清 丁 謙撰……………浙江圖書館 〇八〇〇二三五
 明史西域傳地理攷證一卷……………清 丁 謙撰……………浙江圖書館 〇八〇〇二四七

中國地理——清

漫遊紀畧四卷(一名：瓠園集).....清 王 澐撰.....筆記續說 〇八〇 二六五

中國西部地理

秦蜀驛程後記二卷.....清 王士禎撰.....王漁洋中研所 〇八〇 二八七

江蘇地理及其地方

三吳遊覽志一卷.....清 余 懷撰.....筆記小說 〇八〇 三二五

廣陵通典十卷附先君年表.....清 汪 中撰.....江都汪氏台 大 〇八〇 三三七

浙江地理及其地方

乾道四明圖經十二卷.....宋 張 津等撰.....宋元四明 〇八〇 四四一

寶慶四明志二十一卷(自卷一至卷十八).....宋 羅 潛撰.....宋元四明 〇八〇 五六三

WUHO



遼史各外國地理攷證

浙江圖書館叢書第一集

遼史各外國地

理攷證

中華民國四年浙
江圖書館校刊

遼史各外國地理攷證

仁和丁謙益甫氏學

遼時北邊部落甚多而元修遼史不立外國傳當亦有故以元初距遼時代稍遠從前舊國盡已淪亡文獻無徵難以按求事實且主筆者多漢人不明域外情形遂以為無足重輕而任其缺佚然傳雖不立尚立部族屬國二表稍紀事略而百官志二兵衛志中下亦襍載外國國名雖重複紛拏毫無條理欲為之詳攷各部地所在殊屬難事今姑就百官志中所稱王府者計四十餘國為主有遺探他條補之其絕無可攷者不論大小各部均付闕如

遼史百官志二 西北部族官

各外國攷證

大部職名

女直國順化王府景宗保寧九年來請宰相以下等職以次授之計二十一人聖宗統和八年封阿海為順化王天祚帝天慶二年其國有阿鶻產大王

女直本名女真以避遼興宗諱改真為直至元初修史亦從而稱之陋矣女直國勢素強故加特別王號以籠絡之阿海即烏古迺攷烏古迺祖綏古時已定居按出虎水為古安車骨部境今吉林東北阿爾楚喀舊城乃其遺址近人曹廷燕所攷甚確阿鶻產即金太祖阿骨打今改阿固達

北女直 南女直 曷蘇館女直亦曰合蘇袞合素蘇館 長

白山女直 鴨綠江女直 瀕海女直

上六部均稱王府

女直本靺鞨之後。在今盛京以東及吉林省地。北女直居其本部東北。即古黑水部。今三姓城迤東。新設各縣地。南女直指烏拉輝。發諸族。清初扈倫四部。皆其支裔。曷蘇館女直。在今海龍廳以南。渤海所置。定理安邊二府境。長白山女直。古稱白水部。在松花江發源處。清初之訥殷部也。鴨綠江女直。居江之北岸。此部清初尚存。今設寬甸。臨江。輯安等縣於此。瀕海女直。在寧古塔城以東。金元為率寶路。明置奴而干都。司以統轄之。近亦設延吉道治。又攷北盟會編。言遼太祖遷女直大戶於遼陽南。名哈斯罕。又言咸州東北至粟末江。中間居民曰輝發。可互證。

阻卜大王府。按各國稱號自大王以下。有稱郡王者。有但稱王者。茲舉其例。後不復贅。

阻卜語解作準布。為遼時西北強部。紀傳所載事跡頗多。惟其部地人皆不知所在。余反覆詳攷。始得一證焉。一太祖紀。天贊三年。親征西北諸部。至古回鶻城。遂遣騎攻阻卜。一蕭撻懷傳。以阻卜諸部叛服不常。詔皇太妃以可敦城為鎮州。守之。按古回鶻城。即可敦城。在塔米爾河南。雙谿醉隱詩注。所謂和林西北七十里有苾伽可汗宮城遺址是也。唐書載回鶻可汗娶唐公主為可敦。可汗可敦各建牙城。後可汗城為黠戛斯焚毀。惟可敦城獨存。遼時因防阻卜。特加修葺。奉皇太妃居之。遂成重鎮。觀此情形。知其地實為備禦阻卜之要塞。然則阻卜所部。必更在其西無疑。今塔米爾河西界有札布干河。札布者阻卜準布之轉音也。惟此河甚長。阻卜四

部確居河之何地。已難實指。

西阻卜。北阻卜。西北阻卜。

詳上。

朮不姑亦曰述不姑。直不姑。

朮不姑遼時北面大國。見本志北面邊防官條。其部地當在今嫩江境。惟不能確知何處。

阿薩蘭回鶻亦曰阿思蘭。

阿薩蘭回鶻。即元史哈刺魯國。因其部長世世以阿薩蘭王自號。遼人因以所稱者稱之。阿薩蘭者。譯言獅子也。元太祖本紀六年。西域哈刺魯部主阿昔蘭汗來降。可證其所部在今塔爾巴哈台迤西至俄屬哈薩克境皆是。

各外國攷證。遼

回鶻國單于府。

回鶻唐時強盛。後為黠戛斯所破。部眾星散。或居甘州。或居沙州。或居和州。而以居和州者為大宗。即元時畏兀兒也。此條蓋指和州回鶻。故本志所載有甘州沙州而無和州。兵志屬國軍條。則有和甘沙三州。而無回鶻單于。可以互證。惟自漢以來。北方諸部。獨匈奴稱單于。突厥回紇皆稱可汗。不稱單于。意此必遼人所改。蓋契丹亦號可汗。遼人不欲他部與其先世同號。故別稱單于耳。和州今日喀喇和卓在吐魯番城東南。

沙州回鶻。

沙州故城在今嘉峪關外。安西州西南。敦煌縣城東。按沙

州回鶻遼封敦煌郡王而屬國軍條既有敦煌又有沙州敦煌殊為復沓

甘州回鶻

甘州府在嘉峪關東

高昌

唐時高昌都西州交河城在今吐魯番城西二十里雅爾湖濱見西域水道記宋史言其國既為唐滅安史之亂乃復自立其地頗有回鶻故亦謂之西州回鶻宋太宗時王延德出使記載所都仍在西州惟攷唐末回鶻已據其東境之和州立國相距僅百里豈無逼處之嫌而延德記中絕不提及殊足駭異想其初回鶻敗奔駐足無所特往相投高昌王乃分

各外國攷證

遼

四

又又川

一城處之和州回鶻之稱實由於此回鶻既有憑藉漸漸養其羽翮並求聯婚媾暗蓄易賓為主之謀自宋之初業已兼併高昌自稱為西州回鶻然尙懼大邦詰問於太平興國六年表稱西州外生師子王以為掩飾觀外生二字狡圖顯然因修史者不明外情言其地有回鶻故亦謂之西州回鶻模糊影響自欺欺人若王延德所見之高昌王實即回鶻可汗不獨易其種姓并徙都交河不居和州矣宋初已無高昌遼史載之尤贅上皆從無文字處體會而得閱者詳之

党項

党項本居四川松潘廳西在吐谷渾之南後為吐蕃侵逼眾皆散入中國西北沿邊一帶遼時西夏既立國種人多與之

雜居實不足成部落也

西夏國西平王府

西夏源流事跡詳載宋金二史遼時但為屬國交涉甚少西平府即今靈州夏人本居夏州在河套南界至李繼遷徙於靈州其子德明復城懷遠鎮為興州立以為都今靈夏府地也上事均在遼時史太漏略

高麗

高麗即今朝鮮沿革詳載諸史前漢末立國曰高句驪唐高宗時為李勣所滅至後梁貞明四年有王建者始復立國都崧岳山即京畿道北境開城府地

新羅

各外國攷證

遼

五

又又川

新羅亦漢以來古國在高麗東南但至後唐天成二年其國已亡遼時事跡頗少

日本

日本在高麗東北海外遼聖宗大安七八兩年均遣使來貢故列入焉

吐谷渾 吐渾

吐谷渾本居青海南洮河西自唐時為吐蕃所破部眾散處甘肅西北沿邊一帶因其不能統一故於貢獻時就其所自稱者載之此或曰吐谷渾或曰吐渾所由異也新唐書云語謬為退渾蓋即吐渾之轉音耳按遼史百官志二有吐谷渾國王府又有吐渾國王府當時似分為二部

時似分為二部

轄夏斯

轄夏斯新五代史作轄夏。即漢之堅昆。唐之黠戛斯。元人稱爲乞爾吉思。部地在今唐努烏梁海境。

室韋

唐書室韋傳分部至二十餘。均在今黑龍江省境內。遼時室韋據部族表所載。除黑車子外。僅有大黃室韋。小黃室韋二種。餘部想皆爲所兼併矣。

黑車子室韋

黑車子亦室韋之一種。以善造車帳得名。見胡嶠陷蕃記。史載太祖元年。發兵攻黑車子。二年。又詔皇弟討烏丸及黑車子。觀遼初用兵首及此部。且與烏丸並言。必兩部相距不遠。

各外國攷證

遼

六

川文

以地望測之。當在潢河以北。與太祖本族世沒里諸部鄰接。故先謀征服之。地理志上京北有烏州。即烏丸故壤。今爲阿魯科爾沁旗境。黑車子當在其東北。今札賚特旗地。

鐵驪

鐵驪唐時小國。嗣爲渤海所併。以其故地置鐵利府。渤海亡。仍自立。所部詳唐書渤海傳攷證中。

靺鞨

靺鞨沿革詳諸史。遼時所見。惟黑水靺鞨一部。地當在三姓城境。至金分爲五國。稱五國部。

沙陀

沙陀唐書有傳。其部地本在巴里坤東。尼赤金山南。自李克

用父子興。其名始著。遼人所稱沙陀王府。不知仍在故地否。

歲狛

歲狛本二國名。渤海盛時。以其地爲東京。渤海亡後。自立。即今朝鮮東界咸興府境。

突厥 西突厥

東西突厥自爲唐滅。天山以東。久無突厥部名。然攷西史中。亞各地。其種類極爲興盛。與遼同時者。有塞爾柱克族。據今波斯東境。建都謀夫。稱霸於一時。又有阿伯特真族。據今阿富汗境。建都哈斯那。後遂併有波斯。此所謂突厥。西突厥。當即指上二部。

幹耶改亦曰噶娘改

各外國攷證

遼

七

川文

幹耶改。今日烏梁海。本種人名。而非國名。其部落甚多。自黑龍江省北界迤而西。直至阿爾泰山。皆此種人所居。其人專以打牲伐木爲生計。祕史號爲林木中百姓。此所云王府。不知係指何部。

迪烈德亦曰敵烈。敵烈德。又云八部敵烈。

迪烈德。元史太祖紀作克列。祕史作客烈。亦惕。所謂王罕者。即其部主也。當時牧地在土拉河一帶。遼世部落甚多。惟北敵烈爲大。

于厥亦曰于厥里

于厥。遼地理志作羽厥。胡嶠記作嫗厥。律地理志言皮破河。出回紇北。東南經羽厥。入臚胸河。皮破河。今噶拉泰河。發源

小肯特山支麓東南流入克魯倫河觀此于厥部地即在此河濱無疑

烏孫

烏孫見兩漢書至東晉時為蠕蠕所逼徙居葱嶺山中事載魏書此後史中不見其名遼史所謂烏孫不知何在惟攷烏孫發源在今唐努烏梁海北俄國界中其地有烏斯河即烏孫轉音部人因以為名之爾吉思諸族盡出於此其後蔓延歐亞

二洲為漠北三大人種之一余別有專攷漢之烏孫國亦由此分出每歲該種人必至河上祭其始祖詳見元史地理志注迄

今尚有二邨存焉曰上烏斯下烏斯地雖僻小聲名頗著遼時當有邨長備物貢獻故儕於各國之列

各外國攷證

遼

八

川上

于闐

今新疆南路和闐直隸州地

獅子國

獅子國佛國記作師子國大唐西域記作僧伽羅即今印度南之錫蘭島

大食

大食即亞拉伯人謨罕默特教國名興於隋末至元初始亡其沿革事跡詳見洪侍郎所著報達補傳

吐蕃

吐蕃本名土伯特一曰唐古忒今稱西藏此國唐時極盛後漸衰弱各部分立不能統一新五代史載其子帳在涇州西

二千里乃今玉樹土司地此亦其國之一部也

波刺

波刺當作波刺斯為波斯本名見大唐西域記今西人稱波斯曰白爾斯亦波刺斯轉音遼世突厥種人在波斯東境建立一國曰塞爾柱克朝都謀夫城當即指此

鼻國得亦曰鼻骨德鼻古德

部族志載此國初來貢與烏古敵烈于厥相後先其部地當在遼人西北上三部之閒

述律子

胡嶠陷蕃記有襪劫子當即述律子記言此部在東北三面皆室韋人皆不鞍而騎尤善射核其地望情形為今之索倫

各外國攷證

遼

九

川上

無疑索倫亦述律轉音其國在齊齊哈爾西北海拉爾河上游境蓋東西南皆古室韋部落也

蒲盧毛朵

蒲盧毛朵亦女直之一種部族表載曷蘇館人戶沒入其部者索還復業又載蒲盧毛朵界曷懶河人戶來附觀此二事知其部地西近曷蘇館東接曷懶河在今敦化縣境曷懶河即盛古塔南之海蘭河金時置合懶路近日新設之延吉廳境也

烏古

烏古元史作翁觀元祕史作汪古部族表又稱為烏古奚知此部亦奚人同種遼時部地當在今多倫縣東北一帶

迭刺

迭刺為耶律氏同族耶律各族俗稱為國舅部部族志論謂終遼輦之世迭刺一部強不能制知遼輦氏之衰替實由於外戚專擅今事跡雖無可攷即此數語已可想見自太祖興析之為五院又析之為六院以殺其勢部地不知所在惟遼時遼輦各部多在潢河南

拔思母

屬國表稱拔思母為遠夷又載西南招討使奏拔思母入寇破之又載詔夏國伐拔思母知其部地當在夏國以西

突呂不

突呂不為遼人本族勢力甚大如大黃室韋小黃室韋諸部

各外國攷證

遼

十

川上

均為所轄居長春州西見營衛志下長春州西今科爾沁旗境也

兀惹

部族表載蒲盧毛朵多有該部人戶詔送還之又屬國表載與鐵驪叛歸女直則其部境當在鐵驪及蒲盧毛朵之間

梅古斯亦曰梅古悉

此部為奚王府所屬隸西南面招討使見部族志下其地當在遼人西南無疑洪侍郎作蒙古攷謂梅古斯即蒙兀斯轉音殊誤蓋族姓既異方位又殊安得以譯音偶近強相比附耶

胡母斯亦曰忽母斯

此為西北山中小部本無足述因近人李文田指西遼都城

虎思窩里朵謂即胡母思山蕃地故特辨之攷遼太祖天贊

三年七月親征西方各部落九月至古回鶻城勒石紀功進

破胡母思山蕃十月遣軍踰流沙拔浮圖城古回鶻城在塔

米爾河南詳拙著和林攷浮圖城即北庭都護府見唐書地理志在

今新疆阜康縣東境別有專攷見大典圖注十一月遣師攻甘州獲回

鶻將按遼境西距虎思窩里朵幾及萬里茲自七月啟行至

胡母思地僅止三月豈能遠抵西域且觀史文所部明在回

鶻城西南浮圖城東北與虎思窩里朵道里形勢全不相合

又此等山閒種族親提大軍行萬里以征之雖愚人亦不至

此況太祖之英雄乎且尙有一堅證耶律大石傳既西行駐

各外國攷證

遼

十一

六一

北庭都護府集兵應召者二十餘部其中即有忽母思忽母思者胡母思轉音也然則胡母思部地不在北庭都護府以西尤瞭然可見順德攷據之疏十九類此此條猶稍近似故拙著初稿亦採其說及熟玩遼史始悉其誤

東部奚 西部奚

奚人本與契丹同出東胡至北齊時始各分立為部東部在老哈河西南西部在居庸關北延慶州地詳五代史攷證

五國部 五國者一剖阿里今曰博和哩二益奴里今曰博諾爾三奧里米今曰鄂羅穆四越里篤今曰伊塔圖五越里吉今曰伊勒希

五國皆黑水靺鞨之分部遼世紀五國於聖宗時來附命居

日伊勒希

五國皆黑水靺鞨之分部遼世紀五國於聖宗時來附命居

本土以鎮東北境契丹國志女真東北與五國為鄰五國之東接大海元一統志混同江東北流至上京下達五國頭城又東北注於海明一統志五國頭城以東分為五國以上所載地望極明確而味者多於寧古塔境求之方向先戾矣惟明一統志所言五國頭城似不在五國之內又金史載咸雍八年五國沒撓部叛此部譯音與遼志五國不合似亦不在其內近曹廷杰氏查得三姓以東有大小古城九謂當時五國或不出此今其地皆開設縣治攷核較易因按籍以稽如伊蘭城即三姓東樺川縣境有普利斯幼卜尤古城當即剖阿里其北岸西北黑龍江界有布爾和古城一作固木訥當即益奴里又東南岸有瓦里古城一作瓦利通志作幹里鄂刻

各外國攷證


遼

三

四上上

圖作宛里址周十里疑即越里篤又東富錦縣境有霍吞吉林古城一作活吞吉利當即越里吉又東北北岸有古城鄂刻圖作鄂里米中俄交界圖作額勒密此則為奧里米無可疑者

餘杭章 嚴同校
紹興沈銘訓



金史外國傳地理攷證

浙江圖書館叢書第一集

金史外國傳地

理攷證

中華民國四年浙
江圖書館校刊

金史外國傳地理攷證

仁和丁謙益甫氏學

夏國王李乾順具先曰拓跋思恭唐僖宗時為夏綬銀宥節度使與李克用李茂貞共破黃巢復京師賜姓李氏歷五代至宋傳世及元昊稱帝遼人以公主下嫁遂世脩朝貢不絕天輔六年金破遼兵遼主走陰山夏將李良輔將兵三萬救遼次天德軍境金兵敗之於宜水宗望至陰山以便宜與議和天會二年始奉誓表以事遼之禮稱藩初金以山西九州與宋以天德軍與遼後破宋都虜二帝乃畫分陝西麟府鄜坊環慶涇原秦鳳熙河等路疆界復分陝西北部以易天德雲內以河為界及婁室定陝西夏人遂收取陝北地天眷二年乾順老子仁孝立遣外國傳攷證

金

使冊命初仁孝嗣位國多亂有任得敬者抗禦有功遂專政二十餘年陰蓄異志大定十年分西南路及靈州等地自立為國求封於金金主不允并卻其禮夏主知其無援乃誅之明昌四年仁孝薨子純佑立泰和六年純佑姪安全廢純佑自立遣使請命久之始封為夏國王大安三年薨族子遵頊立貞祐初金人為蒙古敗於會河堡夏人乘機侵掠邊境由是連兵十年互有勝負精銳皆盡兩國俱敝遵頊後傳子德旺正大元年始議和三年二月遵頊死七月德旺又死嗣主史失其名明年夏國亡

贊曰夏之立國舊矣其臣羅世昌譜其世次稱元魏衰微居松州者因以舊姓為拓跋氏按唐書党項八部有拓跋部自党項

入居銀夏之間者號平夏部拓跋思恭以破黃巢功賜姓李氏兄弟相繼爲節度使居夏州在河南繼遷再立國元昊始大乃北渡河城興州而都之其地初有夏綏銀宥靈鹽等州其後遂取武威張掖酒泉燉煌諸郡地南界橫山東距西河土宜三種善水草宜畜牧民俗強梗尙氣重然諾敢戰鬪自漢唐以水利積穀食邊兵興州有漢唐二渠甘涼亦有灌溉土壤雖小能以富強地勢然也

西夏事跡宋史載之頗詳惟此援據唐書謂其先世出於党項特爲明確公主下嫁攷遼史興宗景福元年以興平公主嫁夏王李德明子元昊重熙七年薨公主表無與平名當是宗女至十三年以党項等部叛入西夏招討羅漢奴戰敗遂議親征會元

外國傳攷證

金

二

西川三

吳謝罪因罷兵十八年七月又親征八月渡河夏人遁乃還南道都統蕭惠爲其所敗北道都統耶律敵古魯至賀蘭山獲元昊妻及家屬夏人三千來援盡殲十九年二月夏人攻金肅城高家奴等破之三月蕭迭里特敗夏人於三角川五月入夏境掠之九月夏人侵邊擊敗之次年夏王李諒祚求和許之按遼夏交涉甚少遼史又無專傳因於各本紀中摘錄大事數則以備參攷天德軍唐置在今河套北阿爾坦河東遼金地志不載以夏人轄境也宜水卽阿爾坦河唐曰大同川麟府鄜延等地皆宋時在陝甘所置軍路之名麟府謂麟州府谷麟州故址在今套內東界鄜坊謂鄜州坊州坊州今中部縣環慶謂環縣慶陽涇原謂涇州固原州秦鳳謂秦

外國傳攷證

金

三

西川三

州鳳翔熙河謂熙州河州熙州今臨洮府雲內州與天德軍同城因地在河套之北故金人以陝北地易之靈州在靈夏南夏人稱爲西平府李繼遷時由夏州徙都於此至贊所云初居夏州在河南元昊乃北渡河城興州而居之祇此數語已謬反屢見攷夏州卽赫連勃勃所築之統萬城後稱夏州道光二十五年榆林知府徐松確查此城在懷遠縣西九十七里鄂爾多斯右前旗境實在長城之北河套南界其北距河甚遠混言河南形勢不合且李繼遷都靈州其子德明復城懷遠鎮爲興州以居見於宋史贊不獨脫卻靈州一事而興州之城亦是德明非元昊興州今靈夏府後稱興慶以後西夏皆都於此然其地實在黃河之西云北渡河可乎當時

史臣之淺陋如此
余讀西夏亡國之史不能不深憾於遵項之愚昧也當貞祐初蒙古騷強業已統一漠北南向以窺中國之境金兵當之輒敗爲西夏計苟能稍知大局自當聯結金宋合力設防或可相毗以安乃乘金人受侵竟爲狗偷鼠竊之謀希圖小利卒之十年連戰勝少敗多金人殘挫之餘尙足與敵其兵力之不敵可以概見遵項既死不及一載國卽先金而亡然則西夏之亡謂亡於遵項可也
高麗自遼時歲時脩貢及金滅遼高麗以事遼之禮稱臣於金康宗元年命石適歡收納曷懶甸民二年高麗兩次來攻石適歡均大破之四年高麗至曷懶甸築九城使幹塞將兵伐之大